



ARUBA ANSE COURANT



Diario



pa Aruba



Instala Aire acondicionado na bo cas AWOR!



Tel. 2170

No. 4089

ANJA 22

DIA MARS 18 JULI 1961

Un sala jen di oyentes pa e exitoso Vindishi Musical di diasabra anochi

Parti financiero no a resulta asina grandi; organizadornan ta contentisimo di f 1833.25

ORANJESTAD — Tabata e gran artista Meicano, Tito Guizar, kende for di tempran a percura pa e siguranza di un exitoso „Vindishi Musical” diasabra anochi den Centro Cultural na beneficia di e Stichting cu ta haci tur empenjo pa alcanza e suma pa construccian di bewaarschoolnan na Aruba. E pareha di baile for di Argentina Ines y Miguel tambe a laga mira algun di nan numeronan. Wilfred de Faria y e local Rufo Odor tabata otro di e artistanan cu a cosecha tremendo aplauso. Otro artista conoci cu a actua tabata Rudi Plaatje di Corsow.

Manera nos a bisa eba tabata Tito Guizar, kende for di su subida riba escenario a percura pa un heradero delite na e publico. E entusiasmo cu el a pone tras di cada cancion y e manera cu cual e tabata dirigiele na e publico tabata mas grandi cu cual e maestro di ceremonia Hubert Booi tabata encurasha e „Arubianen” na saca nan cara” y deposita nan contribucionnan.

E publico tabata kier a tene Tito riba escenario pa su actuacion estupendo y na momento cu el a haba escenario atrobe pa bai cumpli cu su contrato den Hotel, el a hanja un ovacion cu no ta facil pa lubida.

E artistanan local luzo a sigi cu e programa tocando y cantando numeronan cu hopi di e presentenan den e sala y esnan na cas dilanti di radio tabata pidi. Tabatin hopi artistanan conoci y tambe algun otro cu a demostra clase haltu e anochi ey. Un di nan tabata sin duda e hoben cantante Arubano, Rufo Odor, kende, acompaña na piano na Padu del Caribe a ofrece un serie di cancionnan inolvidabel.

Cifranan cu a ser traha di e suma cu a dreñta na e diferente numeronan ta manera ta sigi:

Padu del Caribe na piano huntu cu Tally Lopez y Rufo Odor a tene e suma di f 439.75; Rudi Plaatje di Corsow cu Los Casinos e suma di f 304. Las Campiranas, trio di damas a tene e suma di f 292.50; Rudi Plaatje di Corsow acompaña na Trio Los Aventureros e suma di f 189.50; e diferente otro artistanan y agrupacionnan musical a tene e suma di mas di f 600.— E suma total di e anochi aki tabata di f 1833.25. E publico den e sala a contribui cu f 260.00 despues cu ya nan a paga nan entrada pa mira e diferente artistanan.

E organizadornan a keda masha encantado cu e resultado obteni aki y ta desea na manda un gradicimento na tur e persona e instancianan cu a coopera cu e anochi aki.

Aki hau nos ta laga sigi number di e artistanan y agrupacionnan musical cu a duna nan cooperacion na e exito di e „Vindishi Musical”.

Cuarteto Los Caribe: Trio Los Aventureros; Padu del Caribe: Les Casinos; The Kreole Kats; Las Campiranas; Las Trepadoras; Tally Lopez; Trio Los Nocheños; Trio Huasteca; Los Wois Wois; Rufo Odor; Duo Vireyes; Los

Eleganten: Los Deletantes: Los Jinetes; The Singing R's; Esther de Castro; Julie de Cuba; Los Tres Romanceiros; Mariachi Aruba.
Di Corsow: Rudy Plaatje.
Internacional: Tito Guizar di Mexico; Wilfred Defaria di Radio Caracas Television; Ines y Miguel de Argentina.

PWFA LISTA 1, IOWUA LISTA 2

ORANJESTAD — Diasabra mainta a tuma lugar cerca sr. L. Mansveld, presidente di e stembureau durante di e eleccionnan venidero cerca Lago. E sorteo di e numeronan di e lista. E resultado di esaki tabata cu e prome lista lo ta esun di e PWFA y esun di dos di IOWUA. Cu e intencion di reconoce e cifranan mehor nan lo pone riba e stembillet e „1” den un hokkie yerkant, e „2” den un circulo chikito, mientras cu riba e stembillet lo bini tambe un driehoek hashi. Esun cu jena e hokki tras di e driehoek aki duran e eleccionnan ta duna di conoce door di esaki cu e no ta prefera ningun di e dos federacionnan. Ademas nan a informa diasabra cu lo tin solamente cinco lokalnan pa vota na lugar di e diasabra di e 22 di juli. Tanto PWFA como IOWUA a haci obheccion contra di e cantidad chikito aki.

E causa di esaki parce mester worde busca den e hecho cu e organzadornan di e eleccionnan no ta dispone di e hendenan pa ocupa mas lokalnan di vota.

F A Y U M — Tel.: 1845 pa tur bo aseguronan

A SLAAG NA HULANDA

ORANJESTAD — Han Labadie, jiu di sr. y sra. H. Labadie di Prof. Lorentzstraat 15 na Playa, diasabra a slaag pa e examen HTS den bouw-kunde (ingenieria), asina el a manda bisa su majornan den un telegram.

Han, kende tabata un ex-discipulo di Julianaschool a studia na e HTS di Haarlem. E lo keda Hulanda por lo pronto na unda e ta trata pa sigi studia pa e bouwkundig ingenieur.

JULIAN COCO NA ANTILLAS

(Di nos corr. na Corsow)

WILLEMSTAD — Diadomingo atardi a jega Corsow e conocido guitarrista Curazoleño Julian Coco for di Hulanda. Sr. Coco a informa nos cu el a hini Antillas riba invitacion di Sticusa, cual ta e resultado di un sugestion di e ministro di Cultura y Educacion, mr. L. C. Debot. Despues di ocho anja sr. Coco a regresa Corsow, na unda lo e keda pa un luna y mei pa duna conciertonan y lesnan publico pa e Curacaoose Kunstkring. Tin tambe un invitacion pa actua pa e Arubaanse Muziekschool na Oranjestad.

Effectenbeurs dia razon venidero

ORANJESTAD — Segun nos a tende di e Raad van Beheer di e Stichting De Antilliaanse Investeringsmarkt, lo worde teni diaazon 19 di juli, e segundo sesion di e Antilliaanse Effectenbeurs.

Interesadonan, tanto damas como caballeros atrobe ta bonbini. Tambe e personanan kendenan kizas no kier pone pedidonan di compra o venta pa valornan, sino cu exclusivamente kier hanja un lista di e manera cu e Antilliaanse Effectenbeurs ta traha, lo hanja e oportunidad, pa hanja idean for di expertonan.

Na final di e segundo sesion aki di e Antilliaanse Effectenbeurs, nan lo bolbe traha un lista di e transaccionnan y cambionan final.

Manera cu awor cosnan ta mustra, por worde spera, cu den futuro sesionnan periodica di e Antilliaanse Effectenbeurs lo worde teni. E interes cerca e industria, comerciantenan y inversionistanan chikito ta creciendo, lo

cual ta duna gran speranza pa e futuro desarrollo di e fuenteenan di progreso economico di Antillas Hulandes, cu projectionan por tuma lugar tambe cu contribucionnan financiero di e poblacion di Antillas.

SALUDOS FOR DI HULANDA

ORANJESTAD — Majan anochi lo worde transmiti via emisor Radio Kelkboom saludonan for di Hulanda pa un cuartu pa siete. Estudiantenan cu lo papia e biaha aki ta: Familia Van Dijk for di Doornburg, Eric y John Tjong for di Nijmegen y Doris y Stella Habibe for di Neerboesch. E programa lo worde repeti diasabra venidero na e mesun hora.



Tito Guizar, artista Meicano cu diasabra anochi a percura for di tempran pa un exito marcha di e „Vindishi Musical” den Centro Cultural. E Meicano tabata sublime den tur su numeronan, pero e reaccion financiero pa su actuacion no tabata grandi.

Nos Isla a hanja un peluqueria y especialista di belleza

den persona di Marvel Cardoze-Jacobus

ORANJESTAD — Entre e pasaheranan cu ayera mainta tempran a baha for di e bapor Oranje Nassau di K.N.S.M. tabata figura srta. Marvel Cardoze, kende a regresa for di Hulanda na unda el a sigi cu ban exita e cursanan di peluqueria y especialista di belleza. Marvel, segun el a conta nos ta den posesion di na menos cu cinco diploma ri'ya y terrena aki. Despues cu aki e descanza pa algun tempo e ta pensa na habri pranta su salon di belleza na San Nicolas.

Marvel Cardoze-Jacobus, despues cu el a traha aki pa dos anja (1955-57) cerca sra. Rie van Gaalen, kier a hiba su mes aleuw den peinamento di cabai y belleza di damas.

Mesos cu varios otro peluquerianan local e tambe a scoje Hulanda como e lugar na unda e lo promove su estudionan. Ava e tabata traha den dia y studia den anochi. Durante un anja el a hiba e scol di „Antoine de Paris” na Rotterdam, na unda despues di richi jos, certificado el a obtene e diploma di peluqueria. Marvel despues di esaki a hiba tambe e curso di I anja pa especialista den belleza na e Instituut Cor van Leeuwen na Den Haag. El a sabi di obtene e diploma pa e curso aki tambe. Despues a sigi estudionan den massage pa curpa pa cual el a pone man riba e diploma A y B. Marvel ta duca tanto „sport” como medische massage” y ta especialisa tambe den cuero cabel, segun el a informa nos. Na e momento ey, no obstanda di tabata cansa di e viahe largo, el a cuminsa conta di tur e servicio cu su salon ta bin dun asina cu e ta cla. Nan ta:

pedicure, manicure, kila fret, cosmetica (el a conta cu e mes por traha su cremanan, cu ta bai cu e cuero di e client), massage pa baha gordura, pa wowonan, carissa, massage pa cabes, „vibrator”, „decolete”, „dubbele kin”. Segun el a conta nos e ta den posesion di e diploma pa cosmetica y e diploma pa „entbarbe”, local kien e kiamiento di bigote cu cual varios damas ta hanjanan mes contenta.

Durante di su permanencia na Hulanda el a traha c.o. na e salon di Van Horfers, na Frederik Hendriklaan na Den Haag y tambe na e salon di Fred Nieuwenhuizen riba e boulevard na Scheveningen.

Marvel Cardoze, jiu muther di sr. y sra. Oscar Cardoze-Jacobus di Cayenestraat 32 na San Nicolas, ta pensa di habri su propio salon denter di dos luna eba na San Nicolas. Su servicio ya el a demostra eba na dos cliente riba Oranje Nassau y denter di poco tambe na e damanan di Aruba.

LOTERIA DI ANT. MEISJES GILDE

ORANJESTAD — Nes a hanja e numeronan ganador di e sorteo di e loteria di Antilliaanse Meisjes Gilde cu a tuma lugar diasabra ultimo na Corsow. Un cantidad grandi di personanan na Aruba tabatin un lot di e loteria aki y ta pesey nos ta publica e lista di e numeronan ganador aki hau: 11425, 9338, 5107, 2587, 12071, 6675, 5903, 6830, 9592, 4295, 12124, 12126, 5081, 6993, 7882, 9908, 9893. E gartadornan di Aruba por pasa busca nan premio cerca pader Van Lankveld na Pastorie na Playa.

OTRO LOTERIA DI „TE AWORO”

SAN NICOLAS — E numero ganador den e di tres loteria na beneficio di e cas pa muchanan „Te Aworo” na San Nicolas, ta e biaha aki 1405. E premio e biaha aki tabata un machine pa laba panja. E persona cu ta e numero ganador por pasa, manera ta conoci eba, por pone su nom den contacto cu Imeldahof, tel. 1340.

FUTBOL FUTBOL FUTBOL

ARUBA VOETBAL BOND

ta presenta

AWENOCHI, 18 DI JULI PA 7.30

den WILHELMINA STADION

ESTRELLA vs. DAKOTA
(Hoofdklasse)

Entrada: Fl. 1,—

Fl. 0.50

Dos mucha cu un kaarchi

FUTBOL

FUTBOL

FUTBOL

Parce cu e intercambio di presonan cubano la fracasando

MIAMI 18 juli. —

Diez Cubano, cu a bini Merca pa papia tocante e intercambio di 1.200 miembros di forza di invacion cu a ser arresta, contra 500 tractor y bulldozer, lo regresa Havana otro siman dia domingo. E diez hombernan aki a hanja permit pa bai Merca riba e condicon, cu nan lo regresa na nan prison si e negociacionnan fracasa. Un di nan a declara, cu awor gobierno Cubano lo mester ta conveni cu gobierno Americano no ta desea na interveni den e intercambio. Y cu e comite particular cu a colecta placa pa e tractornan, a worde disolve definitivamente. E portavoz ta di opinion, cu awor Fidel Castro lo mengua su exigencian pa cu e tractornan.

tante bieuw di sur este Africa. Un di nan, un ex-enfermera, a declara dilanti dje comision, cu den region ey tin asina hopi hende ta muri pa falta di alimento, cu aki cinco anja no ta sabra ai un Africano mas na sur oeste Africa.

E cantidad di mucha entre pueblo Africano cu ta muri ta 98 casi 100 porshemo.

E organisacion di pueblo na sur oeste Africa a suplica e comision „pa no tene cuenta cu amensan nan sin fondo” di gobierno sur Africano y nan bai haci un bishita na sur oeste Africa.

Na Buenos Aires un mama a hanja cinco yiu

BUENOS AIRES 18 juli. —

Un muhe a duna luz na cinco yiu den e provincia Jujuy, mas o menos 1100 kilometer di Buenos Aires. Esaki e corani „La Prensa” di Buenos Aires ta informa. E noticia ta bisa mas aleu cu tanto e mama como su cinco yiu ta den perfecto estado di salu. E informacion no ta bisa si tur cinco yiu ta homber.

Cuater bom a explota na Argel

ARGEL 18 juli. —

Ajera cuater bom a explota na Argel. Na Constantine un a explota y na Oran diestun. E explosionnan aki a haci bopi danjo, na Mostaganem nan a benta cuater granaat. No tabatin victimia.

Un razzia formal di polisnan na Port Elizabeth

PORT ELIZABETH 18 juli. —

Centenares di polisnan blanco y di colo a tene un razzia formal na Port Elizabeth contra criminalnan y hendenan cu no kier haci nada. Den tur parti di e ciudad nan a busca armanan bibida sterki y narcotico.

Tambe na East London, mas o menos 320 kilometer mas den noord, polis a actua fuerte. Nan a cera un parti di ciudad y nan a busca armanan di fuego den cas y autonan. Tambe nan a busca narcotico amunicion y articulonan hor ta.

Exigencia di gobierno di Katanga

ELISABETHSTAD 18 juli. —

Gobierno di Katanga ta bisa den un telegram dirigi na presidente Kasavubu y Nacionnan Uni, cu e intencion pa bolbe convoca parlamento nacional di Congo, ta ser considera como no valido, pasobra mientras tanto ya constitucion Congoles no ta na vigor mas.

Katanga ta exige, pa un comision di jurista neutral duna nan opinion den e kestion aki.

Terrible tempestad na Courmayeur

COURMAYEUR, 18 juli. — Un grupo Frances-Italiano consistiendo di siete Alpinista, cu a cuminsa subi Mont Blanc diadomingo siman pasa, a perde cuater di nan companjeronan. Tres a ser salba. Un siman largo nan a sufr di frio, hamber y wanta mai tempo. E grupo kier a alcanza cumbre di Mont Blanc for di parti Italiano e unico banda caminda ninguun no a subi Mont Blanc ayinda. Dialuna nan a ser ataca pa tempestad masha pisa. Nan cu a ser salba a sufr di shock y nan o pia congela.

Declaracion di un ex-enfermera na Oeste Africa

DAR ES SALAAM 18 juli. —

E comision di Nacionnan Uni pa sur-oeste Africa cu ta actualmente na Tanganyika, a papia cu diferente habi-



E foto aki ta mustra algun di e damanan cu diasabra anochi durante di e Vindishi Musical tabatin e tarea basta duro di contesta telefon di e oyentenan cu tabata kier a ende tal y tal artista.



Un otro di e artistanan local di e Vindishi di diasabra anochi tabata Rufo Odor, hoben cantante Arubano kende a sabi di posiciona su mes entre e artistanan sobresaliente di e anochi ey.



Kende ta laa di un problema?
Tur dia nos ta experimenta esaki: bobennan riba terreno di amor, school, deporte y na cas cu mayornan cu educacion di nan iunan, relacion entre esposu cu nan senjora, querheres di nan mes, relacion cu bishia y familia.

Como Rosemary sabi cuanto problema ta molestia un of otro persona, cu la pone su mes na disposicion pa tur diamars e duna conseho gratis riba e diferente problemanan cu bo por confiele den nos corant. Manda bo carta pa "Arubaanse Courant" Nassaustraat 85 y skirbi den un luki di e enveloppe bon cu "Correo Confidencial". Si en caso bo problema ta concerni algo mucho personal y bo no kier pa e contesta sali publica den corant, quto bo por la asina bon di inclui den e enveloppe otro enveloppe cu bo adres riba dje y stampia y ora bo ta hunja un contesta personalmente.

Rosemary ta dispuesto na yudabo!

Amable Rosemary.
Mi ta snera cu e dos letternan aki lo encontra Rosemary bon di salud, manera ta desco di mi curazon. Mi ta bica tur siman cuanto hende ta pidi Rosemary un conseho, y cu cuanto pasenshi Rosemary ta contesta nan y ta yuda nan. E cos cu mas mi ta aprecia di ta, cu Rosemary ta warda secreto di tur hende asina bon. Ta un cos cu masha poco hende por haci. Pesei mi a confina pa hin conta Rosemary algu, cu ningun hende aki na mundo no sa di mi. Ni mi mes mama. No pone mi nomber den corant. Rosemary, esey por trece masha hopi trouble pa mi.

Pone un nomber falso. Ata mi problema, Rosemary: Mi ta un muher casa di 32 aña di edad. Mi tin un jiu sol y e jiu ey no ta di mi esposo. Despues cu mi tabatin 5 aña casa sin jiu, mi tabata desespera. Mi esposo a bisa tur semper, cu e kier tin un jiu pa tuma su lugar aki den mundo. Mi a kere, cu ta mi no por a sali na estado. Toeh mi no a bai cerca un dokter ni mi esposo. Nos no ta gusta papia e cosnan ey cu dokter mientras cu toeh nos no ta sinti malo ni nada. Un mucha homber a bin cuminsa muestra mi atencion. Mi mes no por comprende. Rosemary, mi

mi tabata namora di dje y toeh mi tabata stima mi casa. E mucha homber ta mi mes edad, mi casa ta algun aña mas bieuu. Un dia cu e mucha homber so tabata cerca mi, mi a perde sintir por completo. Despues mi a ripara cu mi tabata na estado. Segun cu mi a ripara esey, mi a drenta un ansia grandi. Pero mi no kier a bisa mi esposo nada. Ora cu mi a bai dokter, y dokter a siesta mi cu mi tabata na estado mi a bisa mi casa. E tabata masha-mashia contento. Ami tabata sinti un mal muher, pero mi no por a bisele nada. Mi a bisa e mucha homber aya cu mi ta na estado, pero mi a ganjele cu mi ta na estado di jiu di mi casa mes. Mi a bisele, cu el a bisa cu mi dos luna pasa, pero cu ja mi ta 4 luna na estado caba. Mi no kier tin nada mas di haci cunele. El a kere mi y el a kibra cu mi. Pa casualidad mi jiu a nace dos luna prome cu tempo, asina cu e mucha homber aya ta sigur, cu e jiu ta di mi casa y mi casa tambe ta sigur cu e jiu ta di nos.

Ya e cos ey a pasa algun aña pasa. E mucha homber aya a casa. Nos no mira otro mas. Mi casa cu mi ta bira feliz cu otro y e jiu ta bon di salud. To tin vez mi ta lanta den au chi, cu ansia sin sa kiko haci. Rosemary, mi mester bisa mi casa esey? Pero si mi bisa mi casa esey mi ta kibra nos matrimonio sigur. Lo e no stima mi cu mi e jiu mas. Awor nos tin un hogar feliz. Mi carta ta masha largo. Dispensa mi Rosemary, pero duna mi un conseho y yuda mi.

Dina

Dina.
Mi amia aunque bo carta ta largo mi ta public'e tur den corant pa otro muhernan casa por mira cuanto sufrimiento, arrepentimiento y ansia un hende ta nasa si e comete algo robes asina. Loke, cu aho a bai ta fatal. Esey bo nica ta comprende. Pesei bo tin tanto ansia. Pero mi ta conseha bo pa ni papia riba e cos ey. Consecuencianan lo ta masha fatal tambe. Un matrimonio kibra: aho, bo jiu y bo esposo desgracia. Kico mas flet nosbel na bo esposo, educa bo jiu asina bon y decente cu bo por laga sobra den man di Dios. Pidi Dios pa kila tur trouble y tur dificultad for di boso hida. Mi a kibra bo carta, masha sea sleur cu bo secreto ta safe. Un conseho masha importante mas: No papia nunca, ni cu e amio di mas intimo riba loke a pasa. Sorto di cosnan asina mester worde papia den confidencia, si bo ta catolico of bo no confia na un donel ne duna bo yudanza, si bo ta protestant. Pero no revela e secreto aki nunca na otro hende.

Rosemary.

Amable Rosemary.
Mi ta un mucha homber di 22 aña y mi ta masha namora di un mucha muher di 16 aña. Pero mi color ta hopi seur y e mucha muher ta color alanco, cu bunita cabel. Su mayornan a bisa cu si mi pasa ayabanda cu idea riba nan jiu, nan ta laga polis coge mi. E mucha-muher ta bai scol ainda y nos ta contra na caya. E ta scribi mi, el a manda mi algun portret. Ami ta stia'e



Esaki ta un portret di dia cu Volendam a derrota Helmond cu e score di 7-0, loque ta nifica cu e club aqui a bira campeon di prome division na Hulanda y ta promove pa eredivisie. Riba e portret aki nos ta mira mas ariba e momento riba cual e di seis punta a ser haci. Foi awor caba Volendammers ta sigur di nan promocion y ta claro cu nan no ta scande nan alegria. E portret mas abao ta duna nos un idea dje gran alegria entre e supartenan di Volendam y e entusiasmo cu e victoria y biramentu di campeon a ocasiona denter di nan. Den triunfo manera berdadera hero-nan nacional e hungadornan a ser carga y hiba na nan vestuario.

masha hopi. Pero kiko nos por haci, Rosemary.

Duna mi un conseho pasobra e asunto aki tin mi fastioso caba. Gracias di antemano.

Rambler.
Mi amio, bo "nomber" ta denuncia mi, cu bo tin bon gusto! Un auto ramblor ta masha sport mes. Pero... awor den seriedad: mi ta haya masha fatal cu e familia ta menosprecia ho solamente pa motivo di bo color. Pero hopi vez ta asina bendenan ta: nan ta mira cosnan exterior sin ripara interior. Por lo pronto mi ta duna bo e conseho aki: Bica e mucha muher, cu boso no por sigi contra cu otro na caya. Esey ta duna boso nomber, y

mas tanto cos di e mucha-muher. E ta mucho jong tambe pa sa kiko e kler. Por dje aki tur aña e ta ripara cu e na ta stima bo. Mejor bica 'aleha for di otro COMPLETAMENTE awor. Despues di algun aña lo bo ripara si boso dos ta stia otro ainda, anto e ora cy ta yega momento pa tuma un paso decisivo. Termina cu otro por lo pronto.

Rosemary.

Gagarin a-bai Moscu cu masha bon impresion di Inglatera

LONDEN 18 juli. — E astronauta Russo, Yeri Gagarin di despues di un paseo triunfal pa aeropuerto di Londen, a sali cu avion pa Moskou.

Hopi hende muhe tabata bringa pa nan yega na e Rolls Royce cap baha di embajada Russo, den cual Gagarin tabata, pa nan mire.

Den un declaracion cu el a haci na aeropuerto Gagarin a bisa cu e ta bica cu e recuerdo mas agradable di un reception cordial, cu el a ricibi na Londen. Gagarin a bisa ademas: "Nos tin confianza den e posibilidad infinita di espíritu humano y nos ta desea cu e resultadonan di ciencia moderno lo ta pa finnan pacifico na beneficio di ser humano. Nos no por logra esaki sin un paz stabiel".

Irregularidadnan den Provincia Bolzano

BOLZANO 18 juli. — Polis di Italia awe a bolbe aresta nuebe persona cu tabata inclui den e irregularidadnan den e provincia Bolzano. Door di esaki e cantidad di arestantnan a bira 21. Den territorio di Merano polis a haya un gran cantidad di explosivo. Ayera tambe nan a hanja un cantidad igual.

STOOF MARCA WELBILT

fin

"burners-with-a-brain"

- * ESTILO BUNITA
- * FACIL PA LIMPIA
- * SEGURIDAD PA MUCHA
- * FUERTE Y PRACTICO

Ottenible na
ARUBA TRADING CO.

Marlene Schmidt eligi "Miss Universo"

MIAMI BEACH, 18 juli. — Na e concurso di belleza anual na Miami Beach, Miss Alemania, cu ta Marlene Schmidt di 24 aña di edad, a ser eligi como "Miss Universo". Number dos a bira Miss Wales, tres Miss Argentina, cuater Miss Inglaterra y cinco Miss Merca.

Marlene Schmidt, ta pisa 58.96 kilo, tin un altura di 1.72 y su "vital statistics" ta 91.4, 58.4 y 91.4. E ta ricibi un suma di \$5,000 dollar: un placa en contant. Un abrigo di piel di un valor di \$3,500 dollar y un contrato pa diferente sucesos, na cual ocasionnan unicamente cu su presencia lo e gana cu total 10,000 dollar.

Marlene Schmidt ta trata den un fabrica di aparatonan electronico na Stuttgart. Un aña pasa el a bini cu su mama y runan muher for di Alemania Oriental. E ta papia Aleman y Ruso. Su tata tabata un solda cu a tini den guerra.

Miss Alemania, un mucha muher rubia, a declara cu e placa aki lo e compra un cas na parti sur di Alemania.

Destruccion di frueno contra un avion

LONDEN, 18 juli. — Un rato despues cu e avion Boeing 707, avion a reaccion di trafico di "Pan American World Airways", a sali for di Schiphol pa Londen, boz a dal den e frueno. Eki a sosode ne parti stia dje avion y kila trinta centimetro cuadra bai cu e. Tur-nada a bora 25 pasajero, a spanta masha pe cantidad skerni di boz y weerlicht.

Tres cuater ora despues 32 suceso e avion a aterisa na aeropuerto di Londen. Captain Carter a declara, cu despues cu boz a dal den e avion, esaki por a worde mancha normalmente.

Representanten di e compania d'aviacion a declara despues, cu pida material di avion cu a ser perde, a worde hanja na Hulanda y lo ser transporta pa Londen.

Nota di gobierno Mericano na Rusia

WASHINGTON 18 juli. — Gobierno Mericano a larga entrega un nota na gobierno Ruso, den cual nan ta acusa gobierno di Union Sovietica, cu ta nan sabotea e conferencia di tres potencianan na Geneva, tocante prohibicion di experimentonnan cu arma atomica.

Na mes momento e representante permanente di Merca y Inglatera cerca Naciones Uni, a entrega un carta comun na secretario — general dje organizacion di pueblo, den cual nan ta propone pa e kestion pa prohibicion di experimentonnan cu arma atomica, ser pone riba agenda dje proximo sesion di asamblea general.

Luchanan fuerle ta fumando luga na Angola

LOEANDA 18 juli. — Den bendario di Muquema, na norte Angola, tabatin un lucha fuerte dia sabra y cu a dura largo tambe, entre trupan Portuges y rebeldanan Africanos.

Muquema a ser ataca pa casi 3000 rebelle y te despues di diez dos ora Portugesnan a logra desocupa e ciudad. Des hende a muri mas cu trinta ta herida, di cual dos ta serio. Rebeldanan a perde 500 homber, cu a muri.

Varios persona arresta na Bolzano

BOLZANO 18 juli. — Dia sabra 22 persona a ser aresta den e provincia na norte Italia, Bolzano. Un dia prome, esta dia viernes otro 12 a worde detene, sospecha di actividadnan di sabotaje.



TA BENDE
pa motibo di viahe
CHEVROLET IMPALA '61
4 luna di uso.
Pa inf.: STA. CRUZ 362
Maita 10-11 'or. Atardi 5-6 'or.

SANTA CRUZ STORE
tienda mas bieuu di Sta. Cruz
y di mas surti di Aruba.

CEMPRO N.V.
Wayucka - Tel. 2444
Pa tur sorto di blokki usa
CEMENT DI PRIMERA CALIDAD

Petrona & Croes
Dakota - Tel. 1712-1639
PA TRAHA PLAN DI CONSTRUCCION, BESTEK Y BEGROTING

NOBO NOBO NOBO
Nassaustraat 34
BARATILLO ANUAL DI INVENTARIO
ATENCION: bruid, bruidmeisjes, fliestadonan! Awor tin kanchi, brocat borda y tambe organza pa me-nos di nan prijs di fabrica!

GAS
ta ventahoso
GAS
ta practico.
Haci bo pedido di gas na tempo na
ARUBA GAS SUPPLY
Tel 1198

OFFICIELE MEDEDELINGEN VAN DE ARUBAANSE VOETBAL BOND

Aan de: aangesloten verenigingen, Ereleden, Bestuursleden, Commissieleden en Scheidsrechters van de A.V.B.

O P R O E P
tot het bijwonen van de verdaagde Halfjaarlijkse Algemene Ledenvergadering, welke gehouden zal worden op MAANDAG 24 JUL 1961 om 7.30 n.m. in de vergaderzaal van het Wilhelminastadion te Dakota.

- AGENDA:**
1. Opening,
 2. Notulen van de vorige Algemene Leden vergaderingen,
 3. Bestuursmededelingen,
 4. Rondvraag,
 5. Sluiting.

Elk aangesloten vereniging is verplicht een stemgerechtigd vertegenwoordiger, meerderjarig lid der vereniging, naar deze Talfjaarlijkse Algemene Ledenvergadering af te vaardigen. De vertegenwoordiger is verplicht de vergadering tot en met de sluiting bij te wonen.

De vertegenwoordiger moet in het bezit zijn van een schriftelijke verklaring, ondertekend door twee bestuursleden, waaruit dient te blijken, dat hij gemachtigd is namens de vereniging op te treden.


Deze verklaring moet vóór de vergadering aan het bestuur van de A.V.B. worden ter hand gesteld.

De aandacht van de verenigingen wordt gevestigd op artikel 6 van het H.R. Aruba, 15 juli 1961.

Namens het bestuur,

D. KELLY,
secretaris.

IMPORTANTE
Pronto lo cuminsa troce e etiketa rood wlt blauwante di e famoso Brandy Villard pa glas di propaganda.
Goza un bon brandy, y hanja un bunita glas.
EMILIO L. HENRIQUEZ
Agente.



Light for Living
makes the difference

Now more than ever before, it's easy to select lighting that will harmonize with any decorating scheme. The combining of good decorating with good lighting makes the difference in color, charm and comfort in your home.

There are so many lighting effects that will add beauty to your rooms, ease to your eyes and enjoyment to your daily living. Visit your lighting dealer for details on matched lamps, valance lighting, pin-point lighting, dimmer switches and color lighting. You'll be glad you did.



Onmisbaar in elk huisgezin
OVALTINE

SHIP'S NAME	AT ORANJESTAD	FROM	TO:
SARPEDON	20/7	New York, Curacao.	Venezuela, Trinidad, New York.
ISIS	26/7	Gulf, Venezuela	Trinidad, Venezuela, Gulf
MARON	26/7	Europa, Curacao	Colombia, New York
MEDON	27/7	New York, Curacao	Venezuela, Europe via
I. W. WINCK	27/7	Italy, San Juan, Curacao	Venezuela, Colombia, Kingston.
ORANJE NASSAU	31/7	Caribbean Cruise	Curacao, Europe.

KNSM

your line

TELEPHONE 1777 - 3 LINES
SCHEDULE OF ARRIVALS/DEPARTURES AT/FROM ORANJESTAD.

CISCO KID

1. "Unda e placa ta?" "Alto ey nan." 2. "E hombre ey ta mucho testarudo pa bo tratele asina." "Aho." 3. "Conque tur e Justo Don Justo." "Ta e mes, wank pa bo keda sensato y nada lo pasa-bo."



JUAN EL INTREPIDO

1. "Mi a haci pa e traidor paga su traicion, aunque mi no por a salba Sr. Tate." "Pober Tate sigur el a haya tur e tirona cu Drexel a mada, mester derrele." 2. "Manera mi n' sa kende a bisa." "E noticia di mi morto ta algo poco tempran." 3. "Bosonan no keda pumna cynan, nunca boso no a weita un chaleco contra bala." "Boso tur hai den e helicop-ter. Hazard, abo lo saca nos di Rusia."



DICK TRACY

1. "Kiko bo kier mien cu esakinan no ta spoor di cachor." "Sigur cu nan ta spoor di cachor." 2. "Mi sa cu nan ta spoor di cachor pasobra mi a mira e cachor." "Por ta asina, pero..." 3. "Weita esey ta un impresion di un patata-cuater dede y e pia, n' ta berdad?" "Ta loke e la bisa Tracy." 4. "Pero unda e impresion di su unjnan ta, un cachor tin unja di pia." "Unja di pia?"



RIP KIRBY

1. "Ora cu Mr. Hocker ta bisa cu bo a sali den e ultimo trein toi Armonia, bo ta referi na esey di e dia of e siman ey?" "Nunca n' tabata tin otro, Sr. Kirby." 2. "Desde cu e trein bjeuw No. 98 a cruza e puente e anochi ey, ningun otro trein no a cruzele mas." 3. "Lo ta mihor pa bo descansa Sr." "No, trece e cahna preto cu ta den e kashi di panja pa mi."



EL PRECIO DEL TRIUNFO

1. "Nena, mi tabata sa, mi tabata sa esey." "Kiko bo tabata sa cu e malesa ey no tabata natural di Merca, asina ta cu ora Saoko a bisa cu e tabata di extranjero..." 3. "Mi a jama e arbolista mas competente di Londen na telefon, un amigo di mi, mi a bisel e coe e cos ta y..." 4. "...y e reconocio mes ora, ta un padestrel cu solamente bo ta haya na Turquia."



EL DIARIO DE UNA VIDA

1. "Cua bo ta preferi?" "Eun di mas barata, pa favor." 3. "E pia robes asina, bira e drechi... y despues."



PEPITA

1. "Y mama?" 2. "Kiko ta pasabo, querida?" "E cuenta aki no kier klop." 3. "Ta mas cu claro, observa e diferencia den bo gastonan y bo ingresos..." "Mi sa, ta esey ta mi problema." 4. "Bo no ta dunami placa cu e mesun velocidad cu mi ta gastele."



La teoria de conjuntos en la escuela Primaria

Por PIERRE DE LATIL

Después de repartir a sus pequeñas alumnas gorros de papel rojos y azules (de los cuales algunos lucían una escarapela tricolor), la maestra del Kindergarten (1) ordenó: "A una señal mía, los gorros rojos deben colocarse de este lado, y los azules de este otro... Listas? Ahorá!", acompañando sus palabras con unas palmadas.

Obedientes y complacidas, las niñas se agruparon de acuerdo con las instrucciones de la maestra. "Perfectamente. Ahora vamos a pasar una cuerda alrededor de cada grupo". Y los dos grupos quedaron aislados. "Atención!" dijo la maestra. Esta vez debemos pasar la cuerda alrededor de las que tienen una escarapela en su gorro". La operación, en efecto, era delicada, ya que las niñas aludidas se encontraban en los dos grupos. De todos modos, con un poco de cuidado, la cuerda pasó de un grupo al otro y unió a las muchachitas de la escarapela.

Y de qué se trata? Será acaso un nuevo juego para la hora del recreo? No, lector. Este juego representa algo muy serio. En verdad, se trata de imaginar la manera de enseñar las formas más avanzadas de las matemáticas del razonamiento humano.

En efecto, la Teoría de Conjuntos que acabamos de ver expresada por medio de un ejemplo sobremano simple pertenece a la vanguardia de las matemáticas y se sitúa en esas cimas del conocimiento donde se apoyan la aritmética, el álgebra, la geometría y hasta la misma lógica. En la actualidad esa teoría sólo aparece en las exposiciones con que los candidatos a un título universitario defienden sus puntos de vista y en las discusiones matemáticas teóricas.

Un conjunto (de acuerdo con la definición al uso) es la reunión - considerada ya como un nuevo ser de varios seres o cosas llamadas elementos del conjunto". En este caso, los seres o cosas eran unas niñas, como pudieran haber sido los cabellos de sus cabezas, los libros de una biblioteca, las uñas de un gato o las cifras de una tabla de multiplicar o los puntos situados en el interior de un rectángulo, etc. Y la reunión, dentro de un nuevo conjunto, de las niñas de los dos grupos que tenían una escarapela en el gorro ha permitido comprender la noción de "intersección" que es parte de esta teoría de conjuntos. De la lógica mientras se juega.

Con niños de más edad, la maestra podrá representar en el tablero, valiéndose de líneas de color, las cuerdas que rodean a los diversos conjuntos. Así, ella podrá pedir a cada alumno que indique con un punto su lugar en esos conjuntos. "No, Mercedes, ese no es tu lugar. Tú tienes un gorro azul sin escarapela y no estás en la intersección del conjunto azul con el conjunto escarapela. Tu puesto está en esta otra parte..." dirá a la alumna equivocada la maestra.

Y es así como, desde su más tierna edad, los niños aprenderán nociones que se consideran hoy como parte de las matemáticas superiores. Es decir, partiendo de juegos sencillos y concretos, los niños podrán elevarse fácilmente a las más abstractas nociones matemáticas.

Ahora bien, no se trata aquí de un simple experimento sin posibilidades de que se convierta en un método normal y corriente. Como todo lo que atañe a las matemáticas, los métodos pedagógicos más aptos para enseñarlas rápida y eficazmente interesan vivamente a las autoridades escolares. La enseñanza de las matemáticas es algo que está hoy estrechamente relacionado con el porvenir de todos los países.

El progreso necesita de técnicos y de hombres de ciencia en cuya formación las matemáticas constituyen el principal elemento. De aquí la necesidad de mejorar los métodos pedagógicos correspondientes y de aquí también el vasto movimiento de reformas que se observa en casi todos los países del mundo. Bélgica, por ejemplo, es una de las naciones zapadoras de nuevas vías y métodos de enseñanza de las matemáticas.

Un profesor belga, el señor Georges Papy, quien enseña en la Universidad de Bruselas, es el apóstol de un sistema de "álgebra moderna", que cuenta con el apoyo de las autoridades del Ministerio de Educación, ya aplicado en varias escuelas primarias y secundarias.

Cuando se trata de aplicar nuevos métodos no se debe proceder con timidez y excesiva cautela. Tampoco recurrir a la solución que significa el ofrecer cursos especiales, que los alumnos no están obligados a seguir, ni a la medida débil e ineficaz de incluir en el programa alguna que otra idea nueva. En verdad, con ello lo que se obtiene es nada más que recargar el viejo programa y confundir las cosas.

La única solución posible es radical: renunciar a un viejo método y, aplicar uno nuevo. Mas aquí cabe preguntarse si acaso los alumnos no corren el riesgo de pagar las consecuencias de un ensayo. Cmo, en efecto, pueden ellos prescindir de materias de estudio que aun se enseñan en otras escuelas del país? Algunos sugieren cambiar de una sola vez todos los programas; pero, por otra parte, no es posible adoptar una reforma tan radical sin una previa experiencia en su aplicación efectiva, sin contar el hecho de que para enseñar materias nuevas con métodos nuevos es necesario contar con maestros que estén familiarizados con las nociones y las técnicas de enseñanza correspondientes.

Un "laboratorio" en escuelas especiales. La solución belga al problema merece un comentario especial. Para esta nueva enseñanza se han escogido unas escuelas que son un fin en sí mismas y que no preparan a los alumnos para otros estudios. Se trata de las escuelas en que se

forman las maestras de kindergarten o jardines de infancia. Como es natural, aquí no se trata de muchachas particularmente dotadas para el estudio de las matemáticas, ni de alumnas extraordinariamente brillantes. De esta manera, si el experimento obtiene resultados positivos, se puede llegar con plena certeza a una conclusión, y nadie puede argüir que esa enseñanza será muy difícil para el alumno de tipo medio. Por otra parte, si el experimento fracasa, la carrera de las chicas no se perjudica en nada.

Y cuales han sido los resultados? Al cabo de dos años de experiencias, el profesor Papy los considera plenamente satisfactorios. Estas muchachitas de cuatro y diez y seis años se mueven con toda comodidad en el universo abstraccionado de la teoría de conjuntos y tratan de un asunto cuyos términos resultan oscuros para la mayoría de la gente adulta. Ello prueba el hecho de que estimamos difíciles ciertas cuestiones por la simple razón de que no nos las enseñaron en la época en que nuestro espíritu era aun como una arcilla dócil.

Matemáticas superiores desde el kindergarten

Ahora bien, precisamente, al escoger como laboratorio de pruebas del nuevo método en materia de enseñanza de matemáticas estas escuelas de maestras de niños de poca edad, los educadores belgas se proponen una tarea extraordinaria: familiarizar las futuras maestras con la teoría de conjuntos, están preparando la manera de introducir esas nociones matemáticas en la propia antela de la escuela primaria. Y así se comprende la frase irónica del profesor Papy: "Tal vez podré coronar mi carrera enseñando un día en un kindergarten..."

Pero cuál es el origen de esta famosa teoría a la que se concede tanta importancia en la actualidad? Dicha teoría fue bosquejada hace unos ochenta años por un matemático de origen ruso y de formación intelectual alemana, el profesor Georg Cantor. Sobre la teoría que Cantor elaboró para renovar la geometría, considerando toda figura como "un conjunto de puntos", el matemático francés Maurice Fréchet ha constituido otra que trata de "conjuntos abstractos", los cuales pueden comprender toda clase de objetos. Desde entonces, los conjuntos no han cesado de cobrar importancia. Se les considera en la actualidad como el tronco común de todas las ramas matemáticas. Y se admite que los principios de la teoría representan los fundamentos mismos del razonamiento.

A fuerza de abstracciones, las matemáticas han llegado a generalizarse sobremedura, descubriendo principios comunes a todas sus disciplinas, principios que son los de la misma lógica. El espíritu del hombre sólo ha llegado a estas generalizaciones supremas al cabo de una larga historia de vacilaciones y tanteos. Y es cosa normal, ya hechos los descubrimientos del caso, el que se trate de evitar a los jóvenes todo camino tortuoso, toda pérdida de tiempo, para lanzarlos desde un comienzo por la vía real de las matemáticas modernas.

(1) O jardín de la infancia, o jardín de infantes, o escuela maternal, que todas estas maneras se suele llamar en los países de habla española a esa clase anterior al primer año de escuela propiamente dicha y que sirve al niño de introducción al mundo escolar.

DIRECTOR DE ORQUESTA URUGUAY EN CHECOSLOVAQUIA

Invitado por el Ministerio de Cultura de Checoslovaquia, se encuentra en Praga el director de orquesta uruguayo Juan Protassi. Dirigió la orquesta sinfónica checoslovaquia FOK, que interpretó un programa de música francesa, compuesto por obras de Debussy, Frank y Ravel.

Al preguntarle sobre sus impresiones acerca de la orquesta que iba a dirigir, Protassi respondió: "Es para mí un gran honor dirigir esta orquesta de Checoslovaquia. Sus cualidades son tales que me quedé maravillado en los primeros ensayos. El pianista Jan Erml me ha causado una excelente impresión por su forma de ejecutar las variaciones sinfónicas de Frank". Luego agregó: "La música checa tiene mucha aceptación en Uruguay y en toda América Latina. Por ejemplo, la "Novia Vendida", única ópera checa traducida al español, se ha representado varias veces en Montevideo. Haría falta traducir más obras de compositores checos y hacer un intercambio más amplio de músicos. Así se conocería más la música de nuestros dos países". (UNESCO)

Nuebe millon na cuadro horta na Saint Tropez

SAINT TROPEZ, 18 juli. — Den Stedelijk Museo pa arte moderno na Saint Tropez den anochi di diavaba pa manche diadomingo 56 cuadro, na valor di casi nueve millon florin a ser horta.

Den e cuatronan aki tin obra di Matisse, Bonnard, Van Dongen, Vlaminck y Rounault.

Gratitud di Bonn na Papa di Roma

BONN 17 juli. — E partido social democratico di Alemania ta gradici Papa pa su eciclica social nobo, asina e representante di asamblea general: Peter Nellen, a bisa na Bonn.

Di acuerdo cu e opinion moral y historico di iglesia catolico, munda a haya un caminda importante cu e eciclica aki.



HOROSCOOP di awe

ARIES 21 Maart — 18 April



Tin aspectonan excelente pa unionan tocante placa i trabao.

TAURUS 20 April — 20 Mei



Trata cu prudencia den contacto cu amiguan social.

GEMINI 21 Mei — 21 Juni



E influencia ri-personanan den bo biecinda lo ta grandi swor.

CANCER 22 Juni — 22 Juli



Bo por solucionar un problema of dificultad cu tabatin bo preocupa basta tempu.

LEO 23 Juli — 23 Augustus



No tuma iniciativa awe. Laga otro personan tume i para miri kico ta e consecuencia.

VIRGO 24 Augustus — 23 September



Un suceso inespera por cai na favor di bo situacion financiero.

LIBRA 24 September — 23 October



Tin un bon aspecto pa tur loke bo emprende cu otro personanan.

SCORPIO 24 October — 22 November



Tin un aspecto riba asunto financiero i cuen-tanan.

SAGITARIUS 23 November — 21 December



Tin un apoyo fuerte di bo part-ner of personanan den bo biecinda.

CAPRICORNUS 22 December — 20 Januari



Bo no mester laga otro personanan haci trabao.

ACUARIUS 20 Januari — 18 Februari



Tene cuidao cu discusion cu personanan di ken bo ta depende.

PISCES 19 Februari — 20 Maart



Bo tin hopi energia i esaki yuda bo sigi ad-lanti i obtene ex-ito.